


湖南洞庭湖內舵桿洲面聖嘴金盆北洲等處擬辦新農村合作社計畫書

湖南洞庭湖內湘陰岳陽南縣華容沅江所屬船桿洲金盆北洲面聖嘴一帶畧圖



| 例 圖  |  |
|------|--|
| 幹堤   |  |
| 支堤   |  |
| 淤洲   |  |
| 河道   |  |
| 縣界   |  |
| 水向   |  |
| 縣城   |  |
| 市鎮   |  |
| 擬修新堤 |  |

北京圖書館藏



3 0543 0620 8

459.018  
399

# 謹將湖南洞庭湖內舵桿洲面聖嘴金盆北洲等處擬辦新農村合作社計畫書



我國以農立國，中外人士，無不知之，神農氏興，創造耒耜等器，實為中華農業之祖，嗣後制定井田，八家分作，貧富階級，尚不大相懸殊，迨至祖龍，農產大變，富者田連阡陌，貧無立錐之地，此封建時代之農業制度，要皆以農業為本也，辛亥改革，推翻帝制，號稱民國，不料上而軍閥，下而土豪，無歲不兵，無人不剝，加以天災匪患，警報頻仍，農業衰頹，一蹶不振，吁可嘆也，今幸中央設有農村復興委員會，蔣委員長，復頒發農村合作社條例，及四種合作社模範章程訓令，雖注重豫鄂皖贛四省各匪區，未嘗不望推行各省，其注意農村改良，不遺餘力，不但，

湖南洞庭湖內舵桿洲面聖嘴金盆北洲等處擬辦新農村合作社計畫書

158640

總理民生主義，可以實現，且與美總統羅斯福之農業計畫，並駕齊驅，此爲吾國農家之一線曙光也。

同人等既知農村之如此重要，不願徒託空言，必須覓一相當地點，以作新村之區域，謹遵頒發之法令，而喚起農民之猛醒，茲已勘定湖南洞庭湖內之舵桿洲面聖嘴金盆北洲一帶，（參閱地圖）面積約八十餘萬畝，商洽本地業主，均皆贊許，謹就管見所及，條列於下，

（一）地勢 查該地原屬洞庭，春去夏來，多成澤國，近年長江水漲，迭遭災患，沙泥輸入，沉澱成洲，高若岡陵，遍生蘆葦，不但無碍水道，且無靜水之容量，滄海變爲桑田，此語不虛，誠天然新農村之場所也，况新淤之地，極爲肥美，種植農產，十餘年內，無須糞料，而苗本特別高大，該處土質，半宜種棉，半宜種稻，或栽豆腐瓜蒞等物，無不相宜，中有一湖，並可蓄魚種蓮，該地西南北三面，均有老垵

堤埝，以防水泛，僅沿東方舵桿洲高地，加修堤綫，約計五十里左右祇要堤防鞏固則內部純係膏腴之田，此而不修，實屬利棄於地，誠爲可惜。

(二)工程 查該地，祇修東方舵桿洲之堤，計長五十餘里，約計英尺土方二百八十餘萬方，每莫方土價五角，(照湖南工價)共計一百四十萬元，內開一河，流通積水，約計五十萬元，其餘建築房屋等費，約計十萬元，共計二百萬元，即可成功。

(三)款項 近來財政困難，籌措維艱，若資本過巨，力量富有未逮，擬以該堤官照十萬畝作担保品(約值三十萬元)向銀團借貸二百萬元，作修堤開河建屋之用，若買耕田車水各種機器，或由發起人籌集，或於佃農進規內提用，均無不可，惟不必另行借貸，消耗利息也。

再查該地，有經官廳批准，領爲民業者，有屬官荒者，有作孤兒院田者，此次組織農村合作社，應聯絡東主佃農自耕農三者而合作，悉遵法令辦理，如交通教育衛生

儲蓄保衛育嬰娛樂各項事業，均由合作社爲之設備，庶經濟之發展，文化之輸入，政治之進行，<sup>社</sup>社會之安甯，技術之改良，胥於是賴焉，果能遵令而行，則教民養民衛民之法，效國保國治國之方，絕無舊規之牽制，一一從新布置，當可事半功倍，推廣而縣而省，普及全國，同人等無不馨香禱祝者也。

抑再有陳者，建設計畫，前已言之，茲將收入預定大概列左。

- (甲) 佃農遵規收入，每畝暫定二元，共入洋一百六十萬元，（此項遵規祇收一次）
- (乙) 每年除佃農自得谷外，東主可收租谷陸拾萬石，每石照時價三元五角，共計洋二百一十萬元，（以全部八十萬畝半數計算）
- (丙) 收獲棉花四十萬担，每担照時價三十元，共計洋一仟二百萬元，（以全部八十萬畝半數計算，東佃再得其半。）
- (丁) 湖內蘆魚，約共收洋五十萬元。

以上預算，均照八十萬畝計畫，頭年可收入一千零二十萬元，二年除進規外，尙能收入八百六十萬元，下均做此清還債款全無研究，但堤上每年歲修之費，應視水勢之大小，堤土之損壞，均由合作社統籌計算，即在年內收入項下開支，此係垸田舊例也

上陳各節，是否有當，敬乞

高明進而教之，俾有遵守，不勝禱盼之至。

陶 俊 農  
李 慶 林  
同 撰

發起人

贊成人



## 標語

農村合作社爲救國唯一方針

欲倡民生主義當以農村合作社爲基礎

剿匪安民賑災救民皆係治標政策創辦農村合作社是長久養民之治本政策

農村合作社是消滅盜匪最大方法

遵照農村合作社章程辦理則地方自治

救濟金融提倡儲蓄遇有水旱等災仍可賴合作社生活不至流離失所

使全國人民不重都市化而趨農村化

增加農民之美德

解決勞資糾紛應從農村合作社着手

業佃相安是農村合作社之效力

創辦合作社是新生活之神聖

